



## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno MCXVIII. ad annum MCLXXIX.

**Parisiis, 1644**

VI. Transactio super controuersia ecclesiae facta, quae speciem continet  
simoniae, in irritum debet reuocari.

**urn:nbn:de:hbz:466:1-15588**

C A P. IV. *Idem Dunelmenſi episcopo.*

Accepimus quod quædam ecclesiæ clericis tali tenore  
sunt concessæ, quod post eorum obitum alii nominatim  
succedant: vnde quoniā hoc iniquum est, & sacrī Ca-  
nonibus inimicum, & ideo non debet aliquatenus tolera-  
ri, fraternitatī tuæ, &c. quatenus huiusmodi successiones  
tam detestabiles & iniquas, contradictione & appellatio-  
ne cessante, fieri prohibeas, & omnino friuolas & vanas  
esse decernas.

C A P. V. *Idem Dunelmenſi episcopo.*

Contingit interdum, quod licet abbas vel prior alicu-  
ius conuentualis ecclesiæ, cum ecclesiastica vel sacerdotali  
persona super his, de quibus inter eos controuersia verti-  
tur, coram delegato vel iudice ordinario transigat, literis  
capituli sui de ratihabitione monstratis, ipsum tamen ca-  
pitulum eamdem transactionem nititur reuocare. Vnde  
quia super hoc nos consulere voluisti, consultationi tuæ  
taliter respondemus, quod si abbas vel prior de capitulo  
suo literas de ratihabitione habuerit, transactionem quam  
fecit, præsertim si fuerit aliquot annis seruata, capitulum,  
ac si non consenserit in eam, non poterit aliquatenus reuocare.  
Super eo vero, quod clerici & religiosæ personæ, sic  
ut asseris, literarum intuitu quas habent a laicis, sibi ius in  
ecclesiis vendicant, hoc tibi volumus innotescere, quod  
vbi episcopalis auctoritas non acceſſerit, per illos eccle-  
sias suas possint obtinere.

Transactio-  
nem per ab-  
batem vel  
priorem, cū  
literis rati-  
habitionis  
conuentus  
factam, ra-  
tiam habeti.

C A P. VI.

*Idem abbati de Staforde, & priori de Eleſbi.*

Constitutus in præfentia nostra G. clericus, sua no-  
bis assertione monstrauit, quod cum inter ipsum & A.  
clericum super capella de Stancona controuersia emersis-  
set, tandem per transactionem fuit sopita: & licet trans-  
actione ipsa, fide hincinde præstata, firmata fuisset, eam ta-  
men præfatus A. seruare contradicit. Quia ergo huiusmo-  
di transactiones nonnunquam speciem obtainent simonie,  
& non solum a malo, sed a specie mali, secundum Apo-  
stolum, nos conuenit abstinere, discretioni vestræ, &c.

Sup. de po-  
testate iu-  
dic. Si quā

\* Concil. Tom. 27.

Nnnn ij

quatenus cum propter hoc requisiti fueritis , partes ante  
præsentiam vestram conuocetis : & reuocata transactio  
in irritum , causam diligenter audiatis , & fine canonico  
terminetis.

C. A. P. VII. *Idem Rhemensi archiepiscopo.*

Querelam I. presbyteri latoris præsentium accepimus,  
quod nobilis vir comes de Dampetra decimas ad eccl  
esiæ suam pertinentes , per ministeriales suos ei abstulit,  
& iniuste detinet occupatas. Vnde fraternitati tuæ , &c.  
quatenus si præscriptæ decimæ ad ecclesiæ quam retinet,  
pertinent , præfatum comitem & ministeriales suos eccl  
esiastica coercitione compellas , vt eidem presbytero abla  
tas decimas vel earum æstimationem absque diminutione  
restituant , vel exinde secum pacifice & amicabiliter com  
ponant.

## C. A. P. VIII.

*Item Cantuariensi archiepiscopo & eius suffraganeis.*

Cum clerici vestræ iurisdictionis , sicut accepimus, de  
cedentibus ecclesiæ personis , paciscantur ipsis eccl  
esiæ maiores solito soluere pensiones , vt facilius easdem ec  
clesias possint adipisci : nos quidem ad tam detestabile vi  
tium extirpandum , attentam volumus curam & solicitu  
dinem adhibere. Inde est quod fraternitati vestræ , &c.  
quatenus omnibus clericis vestris , ne id attentare præsum  
mant , publice sub disticta poena prohibeatis : & si qui con  
tra prohibitionem vestram venire præsumferint , appella  
tione remota , eos ecclesiæ taliter adeptis quantocius  
spolietis , & aliter pro tantæ præsumptionis excessu seueri  
tate ecclesiastica puniatis. Ad hæc , quia quidam sunt cle  
rici , qui cum religiosis viris collusione facta , sine aucto  
ritate diœcesani episcopi , ecclesiæ quas tenent , eis consti  
tuunt censuales , vt post deceßum eorum , eadem eccl  
esiæ per præsentationem eorumdem religiosorum virorum ,  
ad filios vel nepotes clericorum ipsorum possint transfer  
ri : præsentium auctoritate vobis præcipimus , vt si qui cle  
ricorum ipsorum inuenti fuerint facere talia , a præscriptis  
ecclesiæ , appellatione remota , non differatis auctoritate  
apostolica remouere , ne de sua fraude vel dolo lucrum va  
leant reportare.

Duplici  
poena pu  
niendum.